

SCRIPT OF EVENING GOJRI NEWS BULLETIN 10MAY 2025

1700HRS

اونینگ گو جری نیوز بلیٹن مورخہ 10 مئی 2025

یوہ آکا شوانی جموں بے نصرت تے عبدالرحمان تیں خبر سنو۔

HEADLINES

۱۔ اج وزیر اعظم نریندر مودی نے وزیر دفاع راج ناتھ سنگھ تے ترے افواج غا سربراہاں غے نال ایک اہم میٹنگ کی صدارت کی۔

۲۔ بھارتی مسلح افواج نے پاکستان غی فوجی تنصیبات ور درست نشانہ لاغے حملہ کیا ہیں جہیڑی کہ اسلام آباد غی اشتعال انگیزی غا رد عمل مانہہ کروا دی ہے۔

۳۔ اپریشن سندھور غے تحت بھارت غی طرفوں پاکستان مانہہ موجود دہشت گرد ٹہانچاں ور کاروا دی غے دوران جیش محمد تے لشکر طیبہ غا چوٹی گا ۵ دہشت گرد ماریا گیا ہیں۔

۴۔ وزیر اعلیٰ عمر عبداللہ نے جموں مانہہ پاکستانی مشتبہ گولہ باری تیں متاثرہ رہائشی بستیاں گو دورو لایو ہے۔

۵۔ جموں خطہ مانہہ پاکستانی گولہ باری غی وجہ سنگ راجوری مانہہ سرکاری آفسر جاں بحق ہوگیو ہے۔ تے کئی دوجا زخمی وی ہوا ہیں۔

PM MEETING

اج وزیر اعظم نریندر مودی نے وزیر دفاع راج ناتھ سنگھ تے ترے افواج غا سربراہاں غے نال ایک اہم میٹنگ کی اس میٹنگ مانہہ قومی سلامتی غا مشیر اجیت ڈووال وی شریک ہوا۔

یہ ملاقات دارالحکومت دہلی مانہہ وزیر اعظم غی رہائش گاہ ور ہوا دی ایسا وقت مانہہ جد بھارت نے پاکستان غے خلاف جوابی کاروا دی کی ہے۔

INDIA ATTACK

بھارتی مسلح افواج نے پاکستان غی فوجی تنصیبات ور درست نشانہ لاغے حملہ کیا ہیں جن مانہہ تکنیکی ٹہانچہ کمانڈ و کنٹرول سینٹر ریڈار آلی جگہاں تے ہتھیاراں غ اذخیرہ کرن آلا

مقامات شامل ہیں یہ کاروا دیاں اسلام آباد غا اشتعال انگیز تے جارحانہ اقدامات غا رد عمل مانہہ کی گئی ہیں۔ اپریشن سندھور ور ایک خصوصی پریش بیان مانہہ کرنل صوفیہ قریشی نے

مسلح افواج غی کاروا دیاں غی تفصیلات بیان کیں۔ اس موقع ور بولتا واں اُنہاں نے اس طرح کہیو۔ ونگ کمانڈر ویومیکا سنگھ نے پاکستان غی طرفوں پھیلا دی جان آلی چوٹھی معلومات غی

مہم غی طرف اشارو کرتا واں کہیو جے پاکستانی دعوو ہے کہ اُنہاں نے بھارتی ایس 400 نظام نانہہ تباہ کردتو ہے تے سورت گڑھ تے سرسا غا ابوالی اڈاں نانہہ نقصان پہنچایو ہے اُنہاں

نے ان چوٹھا دعواں نانہہ قطعی طور ور مسترد کردتو جنہاں نانہہ پاکستان نے پھیلايو ہے بھارتیہ خارجہ سیکرٹریہ ویکرم مصری نے کہیو ہے جے یاہ پاکستان غی اشتعال انگیزی

تے جارحیت تھی تے پاکستان غا اقدامات غا جواب مانہہ بھارت نے ناپیہ تلیا تے سوچیا سمجھیا انداز مانہہ رد عمل دتو ہے۔

JAISH TERRORISTS KILLED

پنج دہشت گرد جہیڑا جیش محمد سے لشکر طیبہ تین تعلق رکھیں تھا پاکستان مانہ ماریا گیا
جد بھارت نے آپریشن سندھور غی کاروائی کی تھی زرّاع غی مطابق ماریا جان آلا دہشت
گرداں مانہ مدرس کھلاے دان کھاس عرف ابو جندیل حافظ محمد جمیل جہیڑا مولانا مسود اظہر
غا بڑا بہنوئی تھا محمد یوسف اظہر عرف ابو اکاشا سے محمد حسن خان شامل تھا۔ یہ دہشت
گرد اس مانہ غی ۷ تاریخ نانہ آپریشن غی دوران ماریا گیا۔

DEFENCE MEDIA ADVISORY

حکومت نے تمام زرّاع ابلاغ غا خبری اداراں انٹرنیٹ ور موجود سماجی میڈیا سے ویب سائیت
نالے تمام افراد تین کہیو ہے دفاعی کاروائی سے حفاظتی دستاں غی نقل و حرکت غی لائیو
کورج یا فوری رپورٹنگ تین گریز کریں اس قسم غی حساس سے زرّاع ور مبنی معلومات
نانہ ظاہر کرنو آپریشن غی کامیابی نانہ متاثر کرسکے سے جواناں نانہ خطرہ مانہ
پاسکے وزارت نے تمام زرّاع ابلاغ غا چینلاں نانہ ہدایت دتی ہے کہ سائیرن غی آواز اپنی
نشریات مانہ صرف عوامی آگاہی مہم غی دوران استعمال کریں اس تین علاوہ نہ کریں۔

FACT CHECK

پاکستان غی جارحیت غا جواب مانہ بھارت گو سخت رد عمل سماجی زرّاع ابلاغ ور چوٹھی
ویڈیو سے گمراہ کن معلومات پھیلان غی پاکستانی کوششاں نانہ بے نقاب کردتو شہریاں نانہ
ہدایت کی گئی ہے جے تمام معلومات کی تصدیق کریں سے مشکوک مواد غی اطلاع پی ای بی
فیکٹ چیک غا وٹس ایپ نمبر 8799711259 ور دیں یا میل ایڈریس

ور میل کریں سے باخبر ریں سے محفوظ رہیں۔ socialmedia@pib.gov.in

CM VISIT

وزیر اعلیٰ عمر عبداللہ نے اج جموں شہر غی ۲ رہائشی بستیاں غو دورو کیو جنہاں نانہ
مشتبہ پاکستانی ڈرونز یا گولہ باری غے باعث ہون آلا تماہکاں نینشانو بنایو ان حملان سنگ
ایک مکان سے کئی کھلی گڈیاں نانہ نقصان پُجیو ہے آکاشوانی جموں غا نامہ نگار نے دسیو
ہے جے اج سویرے جموں غا لوکاں نے تماہکاں جیسی سائیرن بجن لگ گیا یوہ ایک ہور
مشتبہ ڈرون حملہ سے پاکستان غی طرفوں شدید گولہ باری غی لہر غو حصو تھو۔ وزیر اعلیٰ
عمر عبداللہ نے رہاڑی سے روپ نگر غا تماہکاں تین متاثرہ علاقان غو دورو کیو سے تماکہ
آلی جگہاں ور گیا سے متاثرہ خانداناں سنگ ملاقات کی واضع رہ جے رہاڑی مانہ ۴ افراد
زخمیہوا جدکہ بن تلاب غا علاقہ مانہ کم از کم ترے افراد جن مانہ ایک عورت سے ایک بچی
شامل بین زخمی ہویں شہر غا روپ نگر علاقہ مانہ ایک رہائشی عمارت نانہ نقصان پُجیو
ہے۔

CM EX GRATIA

وزیر اعلیٰ عمر عبداللہ نے ہالیہ سرحد پار غی گولہ باری مانہ جان بحق ہون آلا غا لواحقین
واسطے ۱۰ لکھ روپیاں غی رضاکارانہ مالی امداد غو اعلان کیو ہے یوہ فیصلو یکجہتی سے
بمدردی غا اظہار غے طور ور کیو گیو ہے تانجے حکومت سوگوار خانداناں غی مدد سے
حمایت نانہ مزید موثر بناسکے وزیر اعلیٰ نے سرحدی علاقان گا شہریاں غی تکالیف ور گہرہ
دُکھ غو اظہار کیو اُنہاں نے بے گناہ جاتاں غا ضیاء ور افسوس غو اظہار کرتا واں اس عزم گو

اعادو کیو جے متاثرہ خانداناں نانہہ تمام ضروری امداد فراہم کی جے گی تے متعلقہ عہدے داراں نانہہ امدادی تے بحالی عمل نانہہ تیز کرن غی ہدایت دتی گئی ہیں۔

J&K KILLINGS

ایک علی سرکاری افسر اُن ۵ افراد مانہہ شامل بے جہیڑا اج سویرے راجوری پونچن تے جموں ضلعان مانہہ پاکستانی گولہ باری تیں جاں بحق ہوا ہیں آکاشوانی جموں گا ناما نگار غے مطابق اڈیشنل ضلع ترقیاتی کمشنر راجوری راج کمار تھاپا تے اُن غا عملہ غا ۲ افراد اُس ویلے شدید زخمی ہوا جد ایک گولہ راجوری قصبہ مانہہ اُن غی سرکاری رہیاش گاہ ور آپو اُنہاں نانہہ فوری طور ور گورنمنٹ میڈیکل کالج راجوری منتقل کیو گیو جت راج کمار تھاپا ہور زخماں غیتاب نہلاتاں واں دم توڑ گیا مرکزی وزیر مملکت ڈاکٹر جتندر سنگھ لیفٹیننٹ گورنر منوج سنہا تے وزیر اعلیٰ عمر عبداللہ نے اس افسوس ناک سانجہ ور دلی تعزیت غو اظہار کیو ہے۔ وزیر اعلیٰ عمر عبداللہ نے قومی راج کمار تھاپا غی رہیاش گاہ ور جاغے اُن گا اہل خانہ سنگ تعزیت کی۔

SATISH FLIGHTS

خوارک تے امور صارفین غ وزیر ستیش شرما نے عوام تیں اپیل کی ہے کہ پُر سکون ریں تے گھبراہٹ نانہہ پھیلا یں اُنہاں نے یقین دوايو ہے کہ جموں کشمیر مانہہ کھان پینغی اشیاء پیٹرول مصنوعات تے ایل پی جی غی کاے کمی نی ہے وزیر نے دسیو کہ تام تقسیم مراکز ور کافی مقدار مانہہ سامان موجود ہے تے باقاعدہ فراہمی نانہہ برقرار رکھن واسطے مکمل انتظامات کیا گیا ہیں اُنہاں نے تاجز تنظیمان غو شکریو ادا کیو، جنہاں نے فراہمی غا نظام نانہہ متاثر ہون تیں بچان مانہہ اپنو تعاون دتو۔

GOVT APPRECIATION

جموں کشمیر حکومت نے حالیہ صورتحال مانہہ عوام غا حوصلہ تے اعتماد نانہہ شہرایو ہے حکومت نے کہیو کہ تمام ضروری اقدامات کیا جا چکا ہیں تے کسی وی مکمل طور ور تیار ہیں لہذا گھنران غی کاے لوڑ نہیں ہے عوام تیں اپیل کی گئی ہے کہ پُر سکون ریں تے حکومت غی جانب تیں جاری کردہ ہدایت ور عمل کریں۔ سماجی میڈیا ور پھیلن آلی چوٹھی خبراں تیں گریز کریں جہیڑی غیر ضروری پریشانی غو باعث بن سکے۔

HAJJ FLIGHTS CANCELLED

جموں کشمیر حج کمیٹی نے موجودہ صورتحال غے پیش نظر ۴۱ مئی ۲۰۲۰ توڑی تمام حج پروازاں نانہہ منسوخ کردتو ہے۔ ایگزکیوٹیو آفیسر ڈاکٹر شوجات احمد کریشی غی جانب تیں جاری نوٹس مانہہ کہیو گیو ہے کہ ۴۱ مئی توڑی تمام چارٹرڈ حج پروازاں نانہہ منسوخ کردتو گیو ہے۔ حُجاج کرام تیں گزارش ہے کہ صبر گو مظاہرو کریں۔ متبادل انتظامات غو نوو سڈیول جلد ہی سرکاری زرّاع تیں فراہم کیو جے غو۔
